



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlvm X. Venerabilis.

---

[urn:nbn:de:hbz:466:1-62587](#)

## SUMMARIUM.

1. *Misus in possessionem bonorum custodia causâ, ab aduersario tamen per dolum impeditus, fictione juris promisso habetur, & post annum sit verus bonorum talium possessor in ordine ad juris effectus, si intereare non contumax non comparuerit.*
2. *Ex contumacia non debet commodum ferre contumax.*

**N**ota I. Qui jussus est in bonorum possessionem mitti custodiæ causâ, si impediatur ab aduersario per dolum, juris fictione promisso habetur, ita ut elapsio anno, si interea Reus contumax non comparuerit, actor in reali actione verus possessor censeatur secundum ciuilē & à lege tributam possessionem. Simile quiddam est jure Cæsareo statutum etiam in personali debito, vt si creditor à judice jussus sit possessionem bonorum capere, tamen si bona possessa non sint, perinde habeatur, ac si possessa essent. *l. Quamvis. 13. ff. Derebus autoritate judicis possidendis.*

Obijcitur. Possessio cùm sit quid facti, non acquiritur solo animo, sed opus etiam est corporis apprehensione. *c. Licet. 4. C. de acquirenda possess.* Ergo sine apprehensione reali actor non potest fieri verus possessor secundum juris dispositionem. Resp. *Quod hoc. c. dicitur, elapsio anno actorem verum possessorem fieri, id non absolute intelligendum, sed tantum in ordine ad effectus juris, quos perinde participat, ac si propriè & verè possideret, vt videre est in gl. cit. l. Quamvis. ante lapsum verò anni missus in possessionem, aut possidere jussus ex primo decreto, non nanciscitur commoda veræ possessionis, sed duntaxat custodiæ, vt dictum est in c. vlt. §. in aliis ut lute non contestata.*

Nota II. Non debet alius ex iniquitate sua commodum ferre, neque contumax & malus melioris esse conditionis, quam bonus & obediens, vt etiam habetur in *c. i. verb. Nosigitur. De postulat. Pralat. & l. 3. principio. ff. Dedonation. inter virum & uxorem. Glossa hic, verb. Constituatur, querit,*

vtrum etiam in causis beneficiorum missio in possessionem locum habeat ob contumaciam rei, & rectè negat. Si parochia aliaue Ecclesia aut Præbenda petatur, vt beneficium secundum jus spirituale, seu titulum, vt infra dicetur, in *c. vnico. de eo qui mittitur in possessionem in 6.* affirmat autem si Ecclesia v. g. vel parochia petatur vt proprietas seu ratione subiectio[n]is, quia dicitur subiecta Episcopo, v. g. quoad Cathedricum, vel ratione reddituum incorporata monasterio. Ita sumitur ex *C. i. de eo qui mittitur.* & docet *Io. Andr. hic n. 7. Ancharanus. in cit. e. Vnico. ibid. Franc. n. 3.* Vide tamen *Panorm. hic n. 17.* & quæ dicentur in *cit. e. Vnico.*

## CAPITULUM X.

## Venerabilis.

## PARAPHRASIS.

Gregorius IX. Burdegalensem Episcopum peremptoriè citat ad initium proximè venturae quadragesimæ, vt per se, vel per idoneum procuratorem, Apostolico conspectui adsit, ad litem contestandam super jure Primatæ, quod Archiepiscopus Bituricensis sibi super ipsum & provinciam eius competere contendebat. Sed & insuper quibusdam extra Romam mandauit, vt eundem Burdegalensem Apostolica autoritate ad eundem terminum peremptorium Romam citari curarent, fin autem reperiri non posset, citationis edictum juxta Ecclesiam publicè proponi facerent, De hac ipsa controversia inter duos Archiepiscopos videatur *c. vlt. de maioritate. & c. vlt. de dilationibus.*

## SUMMARIUM.

1. *Citatio ad tempus quadragesimæ simpliciter prolatum facta, de proxima quadragesima intelligi debet, nisi ex adiunctis aliud colligi debeat.*
2. *Commissarii quibus citadi munus committitur, non possunt hoc alii autoritatè faciendum committere, quamvis per alios promulgare edictum citationis possint.*

bb 2

Nota

**N**ota I. Si citandus personaliter repe-  
riri non potest, edictum citationis affi-  
gendum est in valuis publicis. De hoc suprà  
diximus in cpa. 3. Quærit h̄c gl. verb. Pro-  
ximè si in citatorio terminus quadragesi-  
mæ absoluè positus fuisset, an intelligi de-  
buissest de proximè ventura, & rectè affir-  
mat ex l. 41. ff. de verb. oblig. vbi dicitur:  
sum qui Calend. Januar. se daturum re-  
spondit, intellexisse videri de proximis, nisi  
exadiunctis aliud colligi debeat.

**N**ota II. Papa demandare potest ali-  
cui v.g. Episcopo, vt alterum Apostolica sibi  
commis̄a auctoritate Romam citet. Quæ-  
rit Panorm. līc. n. 7. Vtrum Commissarii Pa-  
pales potuissent hoc citationis munus alteri  
committere: & rectè responderet, quod non  
potuerint. arg. c. vlt. §. vlt. De Officio Dele-  
gati, vbi habetur quod nudum ministerium  
alicui delegatum, si grauis momenti sit, al-  
teri committi non possit. Quod verò in fi-  
ne huius Capituli additur, edictum citatio-  
nis per ipsos commissarios vel per alios pu-  
blicari posse, id refertur non ad ipsam au-  
thenticam citationem, sed ad publicatio-  
nem seu affixionem edicti, quæ haud dubiè  
per quoſcumque officiales ac Ministros fieri  
potest, tametsi id in commiſſione expressum  
non sit, quia parum interest, num tale quid-  
piam aliquis per se exequatur, an per alium,  
tanquam secundarium seu ministeriale  
executorem.

### IDE M TITVLVS in 6.

#### CAPITULUM I.

##### Actor.

###### PARAPHRASIS.

Siactor, qui ad certum temporis terminum  
citari aduersarium postulauit, ipso ve-  
niente non compareat, postea adueniens  
condemnari debet ad legitimas expen-  
ſas, quas aduersarius ob eam causam fa-  
cere debuit; quod si iterum petat reum  
citari, non auditur; nisi prius sufficienter

caueat, quod in termino constituto com-  
paratus sit. Debent tamen hæc limita-  
ri, niſi justum impedimentum actorum  
retardauerit, quo minus ad terminum  
veniret, quia justè impedito tempus non  
currit. Ceterum interuenisse impedi-  
mentum, ipſe, qui in mora veniendi fuit,  
probare debet, vti Ancharanus in fine  
huius c. docet.

###### S Y M M A R I V M.

1. Etiam actor censetur contumax, si in termi-  
no non compareat, ad quē reum citari voluit.
2. Cautio quam præſtare debet actor de com-  
parendo, si Reum iterum citari velit, quo  
prius ad instantiam illius jam citato, & com-  
parente, ipſe comparere neglexit, debet esse  
ordinarie fideiūfforia seu pignoratitia.

**N**ota I. Non tantum Reus contumax  
esse potest, sed etiam actor, si in termi-  
no, ad quem Reum citari procurauit, ipſe  
non compareat. authent. Qui semel. C. Quo-  
modo aut quando; in modo maior est contumacia  
actoris, quam Rei; prout dictum est in c. 3.  
vt lite non contestata.

**N**ota II. Semel malus semper præsumi-  
tureſſe malus. Reg. 8. in 6. & sumitur ex fi-  
ne huius c. & l. Sicuti. 7. §. Isdem. ff. De ac-  
cusat. vbi dicitur, quod qui semel alicui in  
judicio calumniam intulit, iterum ad accu-  
ſandum admitti non debat, quia denuo ca-  
lumniatur creditur: & exc. Literas. 13. de  
Restitut. ſpol. Vbi vxor marito, qui ante in  
eam exercuit ſævitium, non restituitur, niſi  
ſufficienter prouisā ſecuritate. Debet autem  
cautio de quā h̄ic ſermo eſt, eſſe fideiūfforia  
vel pignoratitia, vti sumitur ex l. Ex mandato.  
59. §. vlt. ff. Mandati. vbi diſtinguunt DD.  
cautionem in nudam, & idoneam ſeu ſuffi-  
cientem, illam vocant promiſſoriā ſeu jurato-  
riam, hanc fideiūfforiā ſeu pignoratitiā,  
aiuntque, ſi in aliqua diſpoſitione cautio exi-  
gatur, intelligi de nuda & ſimplici, ſin au-  
tem ſermo ſit de idonea aut ſufficiente, vel  
de ſecuritate debiti, tum exigi fideiūfforiā  
vel pignoratitiā, dummodo eam debi-  
tor præſtare poſſit, alioqui verò ſufficiet  
juratoria, vt ſi peregrinus vel pauper ſit,  
qui